

素

風

寒

暑

濕

燥

火

脾胃

肺欬

心欬

肝欬

脾欬

腎欬

喘

吐血

腫脹

吐瀉

痢

便閉

疝

頭眩

鼻衄

遺精

瘡

痺

瘡

汗

痿

水腫

一歲

頭痛

心痛

喉痺

腰痛

脇痛

虛勞

引經證醫

桐城黃雲

書簽

利

引經證醫卷之三

新安汀茵程樑醫稿門人潤生葉萱校訂

崇川詠樓沈鏐參閱

雒水棣軒姚黻參校

風

朱六平脉至右寸較浮而緩欬逆氣高乃風邪客於肺絡議以辛涼輕

劑宣之

薄荷葉

桔

梗

枳

殼

鹽水炒半夏

杏仁泥

甘

草

通

草

冬

桑

葉



甲申冬
購自北新橋

華_三風邪客於腠理內不得通外不得泄化熱為面赤身熱舌燥口

乾宗表裏刺之之法

秦 芫 大力子 黑梔皮 茯苓

炒黃芩 前 胡 蟬 衣 車前子

姚_五衛陽素虛風邪客於脈絡留而不去隨氣血旋轉為肌肉不仁

所腫無定處風論謂風者善行而數變於理何疑議宣絡以逐

之

羌 活 獨 活 生香附 豨薟草

防 風 橘 絡 甘草梢 絲瓜絡

鄭_三症由力役後出汗卸衣旋見鼻塞惡風據稱身熱已有兩日診

脉洪數面赤口乾不思納穀視其舌苔深黃而燥風邪化熱已
在陽明前胡湯加減

前胡 黃芩 梔子 茯苓 通草

知母 連翹 枳殼 車前子

寒

汪三十歲

元陽素虛感受寒邪兼食寒餌內外合邪始而惡寒繼則身熱

少腹疼痛如刺晝夜不能安卧據稱大便未解已有七朝不時
索飲飲亦不多診脉細緊而急舌苔微黃一氣奄奄勢難議下
惟從柔潤爲宜引竭湯加減若得大便通調汗止方是吉兆

當歸尾

火麻仁

橘核

并冲黑胡麻

瓜蒌仁

紫蘇子

桃仁

白蜜

據稱初劑服下之後片時許腹內有氣攻衝腸鳴欲便所下如黑柚數枚苦於無力送下復經就牀片時又復欲便所下如前如此三次始見黃糞而腹痛仍未全減因謂汪曰自此可以無憂也因將原方加減減去分兩畧入辛芳之品仍令與服汪君之叔是予之知友也因私詰予以既得大便痛尙未止之故予曰宜乎致君之疑矣經云寒氣客於小腸腸中痛痺熱焦渴則堅乾不得出故痛而閉不通矣此病本在小腸原與大腸無涉故雖得大便而痛猶未見止也不過從此大便得通邪有去路

不復有意外之虞日後應見再下痛可全減令將加減之方每日與之一劑以得大便爲度四日之後復得大便從此調理見痊

李_三歲

脉浮而緊欬吐白痰係寒邪襲於肺絡以致肺氣因之不宜宜乎輕劑溫散冀其汗解

紫蘇葉

橘紅

桔梗

荆芥

杏仁泥

蔻殼

甘草

生薑

楊君奉差渡江舟次遇險斷炊已有兩天兼之衣單飢寒交迫回廬卽病索予往診按脉沉伏形色異常寒慄便溏予曰胃陽式微營衛精悍之氣業已呆肫症在棘手姑擬一方藉盡寅誼仿附

子理中湯加減服後若得微汗瀉止身溫方許加減

生附子片 乾薑 藁本

桂枝 白朮 甘草

初劑之後復索予診按脉已得應指身亦微溫惟未得汗予曰時值嚴冬已在閉藏之令汗不易得既肯應藥可以無虞因將原方出入調治二十餘天始得護痊

任三歲

按脉沉濇視其舌色隱如烟煤怯寒肢冷面色蒼黑據稱失精

之後受寒而起並稱囊縮小腹脹甚不能步趨每得沸湯則腹脹小減病情若此竟非辛甘大熱之劑難望春回勉擬一方以

俟消息

生附子 炮薑 小茴 破故紙

上官桂 川椒 白蔻 毛鹿角

甘草梢 葱根

張君脉沉而緊身重惡寒小腹疼痛不可以忍得炆則少鬆按之則

痛劇晨夕不能安卧係寒邪襲於下焦仿通則不痛意主治

鹿角霜 乾薑 囟圖香附 小茴

防風根 附子 小青皮 橘核

葱鬚

張^{十九}歲脉緊舌白無汗惡寒法當温散

老蘇梗 蔻仁 藁本 生薑

荆芥穗 廣皮 甘草梢

暑

傳^三歲^三脉弦而虛鼻塞欬逆未能安卧卧則痰壅右肘引痛如錐暑邪

客於肺絡使然仿杏蘇散意加減

白杏仁 牛蒡子 法半夏 通草

薄荷葉 枳殼 桑白皮

顧^四巖^四脉虛身熱自汗舌粉瀝赤暑邪已中腑陽應以辛寒宣之清之

藿梗 淨連翹 銀花 滑石

薄荷梗 前胡 白朮豆衣 竹葉心

車前葉 鮮荷葉

唐^四脈象關尺俱洪腰痛瀝赤暑邪傳陰之象宜引而竭之

子芩 綠豆 荷葉梗

白蘆豆 澤瀉 六一散

王^四傷暑悞服辛熱助邪為面赤舌焦身熱不解欬痰帶紅傷及肺

絡速宜降火以救金

鮮生地 瓜篋仁 炒黃芩 銀花

黑梔子 冬桑葉 生甘草 蘆豆葉

茯苓塊 西瓜翠衣

楊^三歲伏暑發於季秋為面赤頭眩舌膩渴飲身熱已有八朝按脈象

虛數際此秋深小寒外束陽邪無有去路惟宜清之若得小便暢達方是順兆仿桑菊飲合銀翹散意

連翹 銀花 飛滑石 黃連

黃芩 黑梔子 鮮荷梗 甘草梢

車前子 黃土 水浸取汁煎藥

濕

顧^四肫痺不渴不饑得食則脹劇經有二旬視其舌苔粉膩濕邪內

襲是此明徵蓋濕土體用敦厚乃有形粘膩之邪非苦不能燥非溫不能行六元正紀論謂太陰所至為穢滿即此義也宗潔

藏府法苦温合淡滲法並主之

厚樸

製香附

茯苓

枳實

蔻殼

豬苓

木通

車前子

苡仁米

滑石

朱^{三十}歲^九脉象濡弦寒熱多汗經謂其汗出而濡者此其逢濕甚也議以

分消

茯苓

秦艽

白蘚皮

建澤瀉

黃芩

車前葉

蔡^{四十}歲^四脉來沉弦帶濇腹膨足腫係脾虛濕着近來納穀大減速宜治

標豆卷腹皮湯加減

大豆卷 薑渣 半夏 枳朮丸

大腹皮 橘絡 生香附

周^{五十}知饑不思納胸悶得噁則鬆係濁陰不肯下降之故即經所謂

濁氣在上則生臌脹是也仿先升而後能降意

厚樸 炒枳殼 佩蘭葉 茯苓

檳榔 白檀香 紫降香 澤瀉

許^{二十}二歲脉至沉弱小腹脹痛喜按有裏急後重之象乃下元素虧濕邪

欲注議運膀胱之氣以化濕防其化熱蘊結纏綿不休

芎藭香附 晚蠶沙 滑石 橘核

豬苓 建澤瀉 苡仁米 車前子

趙^三歲診脈濡弦肌黃肢慵便赤而短有黃疸之虞

草薺 黃芩 淡竹葉 木通

茵陳 豬苓 白蘚皮

韓^三歲下受之濕未除瓜菓之濕復聚應見腹痛食減速治其標

川樸 香附米 砂仁 茯苓

枳實 蔻仁 廣皮白

燥

程^三歲脈浮而濇舌燥咽乾耳鳴鼻塞欬痰帶紅係感秋金偏勝之氣

為病宗平以苦濕合入甘寒清潤法

苦杏仁

霜桑葉

藕汁

甘蔗汁

瓜蒌仁

大麥冬

梨汁

地栗汁

五味子

炙甘草

火

舒_三
緩_二

按脉浮洪而數面赤唇裂舌焦身熱渴飲語無倫次熱邪已入
心胞防其津竭見厥雖擬一方冀補救於萬一候質 高明

犀角

連翹

生甘草

捲心竹葉

鮮生地

黃連

黑梔子

牛黃清心丸

脾胃

王^三歲 脾氣素虛納穀不運化甚則作嘔或見溏瀉法當扶脾

炒白朮 法夏 益智仁 雞內金

砂仁殼 陳皮白 茯苓 生甘草

蔣^五歲 脾陰不足胃陽有餘為口臭作甘齲常出血議以寒清之以酸

勝之

鮮石斛 天花粉 茯苓 烏梅

鮮蘆根 生白芍 陳粳米

王^三歲 按兩關脉象濡瀼得食則脹得噉則鬆係脾虛失於旋運治在

中州

雞內金 炒白朮 製香附 白蔻殼

法夏 廣皮白 薑渣 炒穀芽

黃^{四十}_{二歲}素喜膏梁肥美口時作甘經謂津液在脾故令口乾宗除陳氣

法

佩蘭葉 炒黃芩 沉香麴

主味表化滯舒肝和胃治肝胃氣滯胸膈脹腹痛吐后嘔

藿香葉 茯苓 七香餅

許^{三十}_歲脉來細奠四肢怠憊納穀則腕悶近來納減腹膨有鼓脹之虞

理求於標

消食導滯治胃虛濕熱不健運飲食不化氣滯痰涎心下痞悶或臟腑壅約在便血

枳朮丸 陳香椽皮 橘絡 炒雞內金

煨木香 大腹絨 炒麥芽 法半夏

薑渣 茯苓